



孝經

開宗明義章第一

仲尼居曾子侍子曰先王有至  
德要道以順天下民用和睦上  
下無怨汝知之乎曾子避席曰  
參不敏何足以知之子曰夫孝  
德之本也教之所由生也復坐  
吾語汝身體髮膚受之父母不

敢毀傷孝之始也立身行道揚  
名於後世以顯父母孝之終也  
夫孝始於事親中於事君終於  
立身大雅云無念爾祖聿脩厥  
德

天子章第二

子曰愛親者不敢惡於人敬親  
者不敢慢於人愛敬盡於事親

而德教加於百姓刑于四海蓋  
天子之孝也甫刑云一人有慶  
兆民賴之

諸侯章第三

在上不驕高而不危制節謹度  
滿而不溢高而不危所以長守  
貴也滿而不溢所以長守富也  
富貴不離其身然後能保其社

稷而和其民人蓋諸侯之孝也  
詩云戰戰兢兢如臨深淵如履  
薄冰

卿大夫章第四

非先王之法胥不敢胥非先王  
之法言不敢道非先王之德行  
不敢行是故非法不言非道不  
行口無擇言身無擇行言滿天

下無口過行滿天下無怨惡三者備矣然後能守其宗廟蓋卿大夫之孝也詩云夙夜匪懈以事一人

士章第五

資於事父以事母而愛同資於事父以事君而敬同故母取其愛而君取其敬無之者父也故

以孝事君則忠以敬事長則順  
忠順不失以事其上然後能保  
其祿位而守其祭祀蓋士之孝  
也詩云夙興夜寐無忝爾所生  
庶人章第六  
用天之道分地之利謹身節用  
以養父母此庶人之孝也故自  
天子至於庶人孝無終始而患

不及者未之有也

三才章第七

曾子曰甚哉孝之大也子曰夫

孝天之經也地之義也民之行

也天地之經而民是則之則天

之明因地之利以順天下是以

其教不肅而成其政不嚴而治

先王見教之可以化民也是故



先之以博愛而民莫遺其親陳  
之以德義而民興行先之以敬  
讓而民不爭導之以禮樂而民  
和睦示之以好惡而民知禁詩  
云赫赫師尹民具爾瞻  
孝治章第八  
子曰昔者明王之以孝治天下  
也不敢遺小國之臣而況於公

侯伯子男乎故得萬國之權心  
以事其先王治國者不敢侮於  
鰥寡而況於士民乎故得百姓  
之權心以事其先君治家者不  
敢失於臣妾而況於妻子乎故  
得人之權心以事其親夫然故  
生則親安之祭則鬼享之是以  
天下和平災害不生禍亂不作

故明王之以孝治天下也如此  
詩云有覺德行四國順之

聖治章第九

曾子曰敢問聖人之德無以加  
於孝乎子曰天地之性人為貴  
人之行莫大於孝孝莫大於嚴  
父嚴父莫大於配天則周公其  
人也昔者周公郊祀后稷以配

天宗祀文王於明堂以配上帝  
是以四海之內各以其職來祭  
夫聖人之德又何以加於孝乎  
故親生之膝下以養父母曰嚴  
聖人因嚴以教敬因親以教愛  
聖人之教不肅而成其政不嚴  
而治其所因者本也父子之道  
天性也君臣之義也父母生之

續莫大焉君親臨之厚莫重焉  
故不愛其親而愛他人者謂之  
悖德不敬其親而敬他人者謂  
之悖禮以順則送民無則焉不  
在於善而皆在於凶德雖得之  
君子不貴也君子則不然言思  
可道行思可樂德義可尊作事  
可法容止可觀進退可度以臨

其民是以其民畏而愛之則而  
象之故能成其德教而行其政  
令詩云淵人君子其儀不忒  
紀孝行章第十  
子曰孝子之事親也居則致其  
敬養則致其樂病則致其憂喪  
則致其象祭則致其嚴五者備  
矣然後能事親事親者居上不

驕為下不亂在醜不爭居上而  
驕則亡為下而亂則刑在醜而  
爭則兵三者不除雖日用三牲  
之養猶為不孝也

五刑章第十一

子曰五刑之屬三千而罪莫大  
於不孝要君者無上非聖人者  
無法非孝者無親此大亂之道

也

廣要道章第十二

子曰教民親愛莫善於孝教民  
禮順莫善於悌移風易俗莫善  
於樂安上治民莫善於禮禮者  
敬而已矣故敬其父則子悅敬  
其兄則弟悅敬其君則臣悅敬  
一人而千萬人悅所敬者寬而



悅者衆此之謂要道也

廣至德章第十三

子曰君子之教以孝也非家至

而日見之也教以孝所以敬天

下之為人父者也教以悌所以

敬天下之人兄者也教以臣

所以敬天下之人君者也詩

云愷悌君子民之父母非至德

其孰能順民如此其大者乎

廣揚名章第十四

子曰君子之事親孝故忠可移

於君事兄悌故順可移於長居

家理故治可移於官是以行成

於內而名立於後世矣

諫爭章第十五

曾子曰若夫慈愛恭敬安親揚

名則聞命矣。敢問：子從父之令，可謂孝乎？子曰：「是何言與？」是何言與？昔者天子有爭，臣七人；雖無道，不失天下；諸侯有爭，臣五人；雖無道，不失其國；大夫有爭，人雖無道，不失其家；士有爭，臣三人；雖無道，不失其親；大夫有爭，友則身不離於令；名父有爭，子則身不陷於不義。故當不義。

則子不可以不爭於父臣不可以不爭於君故當不義則爭之  
以不爭於君故當不義則爭之  
從父之令又焉得為孝乎

應感章第十六

子曰昔者明王事父孝故事天  
明事母孝故事地察長幼順故  
上下治天地明察神明章矣故  
雖天子必有尊也言有父也必

有先也言有先也宗廟致敬不  
忘親也脩身慎行恐辱先也宗  
廟致敬鬼神著矣孝悌之至通  
於神明光于四海無所不通詩  
云自西自東自南自北無思不  
服

事君章第十七

子曰君子之事上也進思盡忠

退思補過將順其美匡救其惡  
故上下能相親也詩云心乎愛  
矣遐不謂矣中心藏之何日忘  
之

喪親章第十八

子曰孝子之喪親也哭不偯禮  
無容言不文服美不安聞樂不  
樂食旨不甘此哀感之情也三

日而食教民無以死傷生毀不  
滅性此聖人之政也喪不過三  
年示民有終也為之棺槨衣衾  
而舉之陳其簠簋而哀感之擗  
踊哭泣泣哀以送之卜其宅北  
而安措之為之宗廟以鬼享之  
春秋祭祀以時思之生事愛敬  
死事哀感生民之本盡矣死生  
之

義備矣孝子之事親終矣

天保八年秋七月十日卷大任  
書

鑄字人霍世昌



此孝經石刻菱湖卷翁之書也藏之山田大觀社中云蓋菱翁之書祖述歐陽率更乃此石刻學皇甫府君碑者也凡小學宜先學楷學楷宜遵率更之法欲遵其法即須自此孝經墨本而入焉况孝經是人子之所宜誦習者善哉墨林堂主人之製此墨本也

羽港有馬鞭識

菱潭仙客卷僖書


筆者 故人 卷 菱 湖

出版人 三重縣平民 吉川清三郎

明治十一年十月十八日屆  
同年十一月出版

伊勢國度會郡山田  
甲申世古所五辨地





141  
215

008724-000-8

141-215

孝經 卷菱湖書

卷菱湖

吉川清三郎

M11

AAC-1707

